




唐太常寺奉禮郎李賀歌詩集敘



太和五年十月中半夜時舍外有疾呼傳  
緘書者牧曰必有異亟取火來及發之果  
集賢學士沈公子明書一通曰我亡友李  
賀元和中義愛甚厚日夕相與起居飲食  
賀且死嘗授我平生所著歌詩為四編凡  
二百二十三首數年東西南北良為已失

去今夕醉解不復得寐即閱理篋帙忽得  
賀詩前授我者思理往事凡與賀話言嬉  
游一處所一物候一日一夕一觴一飴顯  
顯然無有忘棄者不覺出涕賀復無家室  
子弟得以給養卹問常恨想其人味其言  
止矣子厚於我與我為賀集序盡道其所  
來由亦少解我意牧其夕不果以書道不

可明日就公謝且曰世謂賀才絕出前讓  
居數日牧深惟公曰公於詩為深妙奇博  
且復盡知賀之得失短長今實叙賀不讓  
必不能當公意如何復就謝極道所不敢  
叙賀公曰子固若是是當慢我牧因不敢  
復辭勉為賀叙然其甚慙唐皇諸孫賀字  
長吉元和中韓吏部亦頗道其歌詩雲烟



綿聯不足為其態也水之迢迢不足為其情也春之盎盎不足為其和也秋之明潔不足為其格也風檣陣馬不足為其勇也瓦棺篆鼎不足為其古也時花美女不足為其色也荒國侈殿梗莽丘隴不足為其恨怨悲愁也鯨喙鰲擲牛鬼蛇神不足為其虛荒誕幻也蓋騷之苗裔理雖不及辭

或過之騷之有感怨刺懟言及君臣理辭時有以激發人意乃賀所為無得有是賀能探尋前事所以深難恨古今未嘗經道者如金銅仙人辭漢歌補梁庾肩吾宮體謠求取情狀離絕遠去筆墨畦逕間亦殊不能知之賀生二十七年死矣世皆曰使賀且未死少加以理奴僕命騷可也賀死



後凡十有五年京兆杜牧為其叙

叙畢



李賀小傳



李商隱



京兆杜牧為李長吉集叙狀長吉之奇甚盡世傳之長  
吉姊嫁王氏者語長吉之事尤備長吉細瘦通眉長指  
爪能苦吟疾書最先為昌黎韓愈所知所與游者王叅  
元楊敬之權璩崔植為密每旦日出與諸公游未嘗得  
題然後為詩如他人思量牽合以及程限為意恒從小  
奚奴騎距驢背一古破錦囊遇有所得即書投囊中及  
暮歸太夫人使婢受囊出之見所書多輒曰是兒要當  
嘔出心始已耳上燈與食長吉從婢取書研墨疊紙足

成之投他囊中非大醉及吊喪日率如此過亦不復省  
王楊鞏時復來探取寫去長吉往往獨騎往還京雒所  
至或時有著隨棄之故沈子明家所餘四卷而已長吉  
將死時忽晝見一緋衣人駕赤蚪持一板書若太古篆  
或霹靂石文者云當召長吉了不能讀歛下榻叩頭言  
阿孀老且病賀不願去緋衣人笑曰帝成白玉樓立召  
君為記天上差樂不苦也長吉獨泣邊人盡見之少之  
長吉氣絕常所居窓中勃勃有煙氣聞行車嚙管之聲  
太夫人急止人哭待之如炊五斗黍許時長吉竟死王

氏娣非能造作謂長吉者實所見如此嗚呼天蒼蒼而  
高也上果有帝耶帝果有苑囿宮室觀閣之玩耶苟信  
然則天之高邈地之尊嚴亦宜有人物文彩愈此世者  
何獨番番於長吉而使其不壽耶噫又豈世所謂才而  
奇者不獨地上少耶天上亦不多耶長吉生二十七年  
位不過奉禮太常中當時人亦多排擯毀斥之又豈才  
而奇者帝獨重之而人反不重耶又豈人見會勝帝耶





李長吉詩集目錄

一卷

李憑箏篋引

還自會稽歌

示弟

賦御溝水

七夕

送沈亞之歌

金壇子

嘉惠生

殘絲曲

寄權璩楊敬之

竹

憶昌谷山居

過華清宮

詠懷二首



追和柳惲

春坊正字劔子歌

貴公子夜闌曲

鴈門太守行

大堤曲

蜀國絃

蘇小小墓

夢天

唐兒歌

綠章封事

十三月樂辭

二卷

天上謠

浩歌

秋來

帝子歌

秦王飲酒

洛姝真珠

李夫人

走馬引

湘妃

南園十三首

金銅仙人辭漢歌

古悠悠行

黃頭郎

馬詩二十三首

申胡子感策歌

老夫採玉歌

傷心行

湖中曲

黃家洞

屏風曲

南山田中行

貴主征行樂

張大徹索贈詩

羅浮山人與葛篇

雜叙皇甫湜

宮娃歌

堂堂

勉愛行二首

致酒行

長歌續短歌

公莫舞歌

北園新笋四首

惱公

感諷五首

三月過行宮

追和何謝銅雀妓

送秦光祿北征

酬答二首

畫角東城

嘲謝秀才四首

三卷

昌谷讀書

巴童答

代崔家送客

出城

莫種樹

將發

追賦畫江潭

病酒寄十四兄

難忘曲

賈公問貴壻曲

夜飲朝眠曲

王濬墓下作

客遊

崇義里滯雨

馮小憐

贈陳商

釣魚詩

答贈

感春

河陽歌

春晝

蝴蝶飛

牡丹種冊

開愁歌

古鄴城童子謠

奉和二兄追馬歸

題趙生壁

仙人

花遊曲

安樂宮

梁公子

後園鑿井

秦宮詩

青華紫石硯歌

房中思

苦晝短

春歸昌谷

銅駝悲

曉入太行山

艾如張

摩多樓子

日出行

拂舞歌詞

石城曉

章和二年中

昌谷詩

自昌谷到洛後門

秋京詩寄十二兄

上雲樂

猛虎行

苦篁調嘯引

夜坐吟



笙篴引

平城下

榮華樂

四卷

瑤華樂

梁臺古怨

神絃曲

神絃別曲

沙路曲

巫山高

江南弄

相勸酒

北中寒

公無出門

神絃

綠水詞

上之回

高軒過

蘭香神女廟

別皇甫湜

官不來

江樓曲

染絲上春機

塘上行

休洗紅

將進酒

貝宮夫人

送韋仁實入關

溪晚涼

長平箭頭歌

塞下曲

五粒小松歌

呂將軍歌

野歌

美人梳頭歌

月渡渡篇

官街鼓

新夏歌

經沙苑

南園

感調六首

夜來樂

春懷引

有所思

京城

許公子鄭姬歌

題歸夢

出城別又新

假龍吟歌

莫愁曲

嘲雪

白虎行

嘲少年

高平縣東私路

龍夜吟

嘆唐姬飲酒歌

謠俗

神仙曲

崑崙使者

聽穎師琴歌

李長吉詩集目錄



唐李長吉詩集一卷

雲間璩之璞君瑕校

李憑箏篋引

要知首句如此起絕之精見出伎音高妙  
 吳絲蜀桐張高秋空山凝雲頰不流江娥啼竹素如愁  
李憑中國彈箏篋岷山玉碎鳳凰叫芙蓉泣露香蘭笑  
 十二門前融冷光二十三絲動紫皇如婦煉石補天處  
 石破天驚逗秋雨夢入神山教神媪老魚跳波瘦蛟舞  
 吳質不眠倚桂樹露脚斜飛濕寒兔

殘絲曲 此題全要暮春時去之感託意殘絲 殘絲遊絲也

凡學此公須知

意之句字篇

篇不欲染着

一點舊塵纖

毫庸氣

由筌筌候輕

身起淡寫

洛跌出李憑

順手摹神

何等氣足

一結正爾蘊

藉無限



時去矣尚未知  
耶與泥花老  
人春風自信牙  
檣動同一可嘆

以補其悲

草暖春濃宮  
花拂面是何  
時也着送行  
人三字便成無  
限悲涼

垂楊葉老鶯哺兒。殘絲欲斷黃蜂歸。綠髮年少金釵客。  
縹粉壺中沉琥珀。花臺欲暮春辭去。落花起作迴風舞。  
榆莢相催不知數。沈郎青錢夾城路。

還自會稽歌

庾肩吾於梁時嘗作宮體謠引以應和皇子及國世  
淪貶肩吾先潛難會稽後始還家僕意其必有遺文  
今無得焉故作還自會稽歌以補其悲  
野粉椒壁黃。濕螢滿梁疑。臺城應教人。秘衾夢銅輦。吳  
霜點歸髮。身與塘蒲晚。脉脉辭金魚。羈臣守迤賤。

出城寄權璩楊敬之

草暖雲昏萬里春。宮花拂面送行人。  
自言二字妙言有才當善亦  
何事還車載病身。  
只自言更無一人知者

示弟猶

別弟三年後還家。一日餘醪醺今夕酒。緗帙去時書病  
骨猶能在人間。底事無何須問牛馬。拋擲任臬廬。

竹

入水文光動。抽空綠影春。露華生筍迳。苔色拂霜根。織  
可承香汗。裁堪釣錦鱗。三梁曾入用。一節奉王孫。

同沈駙馬賦得御溝水

入苑白泱泱。宮人正鬻黃。逸堤龍骨冷。拂岸鴨頭香。別館驚殘夢。停盃泛小觴。幸因流浪處。暫得見何郎。

始為奉禮憶昌谷山居

掃斷馬蹄痕。衙回自閉門。長鎗江米熟。小樹棗花春。向壁懸如意。當簾閱角巾。犬書曾去洛。鶴病悔遊秦。玉甌封茶葉。山盃鎖竹根。不知船上月。誰棹滿溪雲。

七夕

温云蘇小錢塘通桂櫂。未因清淺隔牽牛。此云錢塘蘇小。又值一年秋有

別浦今朝暗羅帷。午夜愁鵲辭穿線。月花入曝衣。樓天

懸如意而閱角中有歸歎之思

此首真所謂

奴僕命騷者也

此詩得體何適少陵

製題一法惟沈花昌谷助教最精

上分金鏡人間望。玉鈎錢塘蘇小小。更值一年秋。

過華清宮

春月夜啼鴉。宮簾隔御花。雲生朱絡暗。石斷紫錢斜。玉椀盛殘露。銀燈點舊紗。蜀玉無近信。泉上有芹芽。

送沈亞之歌

文人沈亞之。元和七年以書不中第。返歸于吳江。吾悲其行無錢酒。以勞又感沈之勤請。乃歌一解以勞之。

吳興和人怨春風。桃花滿陌千里紅。紫絲竹斷驄馬小。



相如有文無行處  
死猶不思若所未  
見于世乃著封禪  
遺詔人主象哉

家住錢塘東復東白藤交穿織書笈短策齊裁如楚夾  
雄光寶礦獻春卿烟底鷺波乘一葉春卿拾材白  
日下擲置黃金解龍馬攜笈歸江重入門勞勞誰是憐君者  
吾聞壯夫重心骨古人三走無摧挫請君待旦事長鞭  
他日還轅及秋律

詠懷一

長卿懷茂陵綠草垂石井彈琴看文君春風吹鬢影梁  
王與武帝棄之如斷梗唯留一簡書金泥忝山頂

詠懷二

日夕看書罷驚霜落素絲鏡中聊自笑詎是南山期頭  
上無幅巾苦藥已染衣不見清溪魚飲水得相宜

追和柳惲

汀洲白蘋草柳惲乘馬歸江頭櫨樹香岬上蝴蝶飛酒  
盃箬葉露玉軫蜀桐虛朱樓通水陌沙暖一雙魚

春坊正字劔子歌

先輩匣中三尺水曾入吳潭斬龍子際月斜明剝露寒  
練帶平鋪吹不起蛟胎皮老蒺藜刺鷓鴣淬花白鷗尾  
直是荆軻一片心莫教照見春坊字按絲團金懸麗毅



一結何等神采

沉水之烟香泉欲盡  
歸鳥則啼驚柳笑  
暮曲治波激艷子生  
光圓腰自玉亦覺冷  
重無那貴家夜闌  
景狀神理一筆寫出  
雲羅城頭日射  
金甲何等聲揚  
筆力

教与二字寫盡  
嬌心

別多會少難  
見易老四語  
盡之不遜多讀

此首全寫神  
情

仙才鬼語妙手  
靈心

神光欲截藍田玉。提出西方白帝驚。嗷嗷鬼母秋郊哭。

貴公子夜闌曲

裊裊沉水煙。鳥曉夜闌景。曲沼芙蓉波。腰圍白玉冷。

鴈門大守行

黑雲壓城城欲摧。甲光向日金鱗開。角聲滿天秋色裏。  
塞上燕脂凝夜紫。半捲紅旗臨易水。霜重鼓寒聲不起。  
報君黃金臺上意。提携玉龍為君死。

大堤曲

妾家住橫塘。紅紗滿桂香。青雲教綰頭上髻。明月與作

耳邊璫。蓮風起江畔。春大堤上留北人。郎食鯉魚尾。妾  
食猩猩脰。莫指襄陽道。綠浦歸帆少。今日菖蒲花。明朝  
楓樹老。

蜀國絃

楓香晚花靜。錦水南山影。驚石墜猿哀。行雲愁半嶺。涼  
月生秋浦。玉沙粼粼光。誰家紅淚客。不忍過瞿塘。

蘇小小墓

洛神賦是神李夫人賦是想此詩是鬼試于夜闌人靜時將此詩吟  
至百遍若無風蒙水珮之人徘徊隱見于前吾不信也

幽蘭露如啼眼。無物結同心。烟花不堪剪。草如茵。松如  
蓋。雨為霖。水為珮。油壁車。久相待。冷翠燭。勞光彩。西陵

下風吹雨。下音五

夢天

老兔寒蟾泣天色。雲樓半開壁斜白。玉輪輒露濕團光。  
鸞珮相逢桂香陌。黃塵清水三山下。更變千年如走馬。  
遙望齊州九點烟。一泓海水杯中瀉。

唐兒歌

頭玉硤硤眉刷翠。杜郎生得真男子。骨重神寒天廟器。  
一雙瞳人剪秋水。竹馬梢梢搖綠尾。銀鸞啖光踏半臂。  
東家嬌娘求對值。濃笑書空作唐字。眼大心雄知所以。

百描得駿  
鵲羊神港  
然可掬

莫忘作歌人姓李

綠章封事

為吳道士在難也

青霓扣額呼宮神。鴻龍玉狗開天門。石榴花發滿溪津。  
溪女洗花染白雲。綠章封事諮元父。六街馬蹄浩無主。  
虛空風氣不清冷。短衣小冠作塵土。全家香術千輪鳴。  
揚雄秋室無俗聲。願携漢戟招書鬼。休令恨骨填蒿里。  
河南府試十二月樂詞

正月

上樓迎春新春歸。暗黃著柳宮漏遲。薄薄淡靄弄野姿。

青霓扣額  
身入罡風也  
鴻龍玉狗天  
神爭寧也



寒綠幽風生短絲錦床曉卧玉肌冷露臉未開對朝暝  
官街柳帶不堪折早晚菖蒲勝縮結

二月

飲酒採桑津宜男草生蘭笑人蒲如交劍風如薰勞勞  
鶯鶯悲酣春微帳逗烟生綠塵金翹峨髻愁暮雲香颯  
起舞真珠裙津頭送別唱流水酒客背寒南山死

三月

東方風來滿眼春花城柳暗愁殺人複宮深凝竹風起  
新翠舞袵淨如水光風轉蕙百餘里暖霧驅雲撲天地

軍裝宮妓掃蛾淺搖搖錦旗夾城暖曲水飄香去不歸  
梨花落盡成秋死

梨花句妙絕在成秋死三字即此醉殘花便同嘗爛酒同是此妙

四月

曉涼暮涼樹如蓋千山濃綠生雲外依微香雨青氤氳  
膩葉蟠花照曲門金塘閑水搖碧漪老景沉重無鷓飛  
墮紅殘萼暗參差

五月

雕玉押簾額輕縠籠虛門并汲鉛華水扇織鴛鴦紋迴  
雪舞涼颺甘露洗空綠羅袖從徊翔香汗霑寶粟

題面如画無  
如此章

此章句旋



六月

裁生羅。伐湘竹。被拂疎霜簟。秋玉炎炎紅鏡。東方開暈。如車輪上徘徊。啾啾赤帝騎龍來。

啾言其威赫炎燥也可謂甚於形容也

七月

星依雲渚冷。露滴盤中圓。好花生木末。衰蕙愁空園。夜天如玉砌。池葉極青錢。僅厭舞衫薄。稍知花簟寒。曉風何拂拂。北斗光闌干。

八月

孀妾怨長夜。獨客夢歸家。傍簷蟲緝絲。向壁燈垂花。簾

此章神閑氣靜

外月光吐。簾內樹影斜。悠悠飛露姿。點綴池中荷。

九月

離宮散螢天。似水竹黃池。冷芙蓉死。月綴金鋪光。脉脉涼苑虛庭空。澹白露花飛。飛風草草翠錦爛。斑滿層道。鷄人罷唱曉。瓏璵鳴啼金井下。疎桐

十月

玉壺銀箭稍難傾。缸花夜笑凝幽明。碎霜斜舞上羅幕。燭龍兩行照飛閣。珠帷怨卧不成眠。金鳳刺衣著體寒。長眉對月鬪雙環。

光似水三字誰  
人寫得出又加矣  
卷死三字更絕  
光脈三字尤絕

十一月

宮城團迴凜嚴光。白天碎碎墜瓊芳。撾鐘高飲千日酒。戰却凝寒作君壽。御溝泉合如環素。火井溫泉在何處。

十二月

日脚淡光紅灑灑。薄霜不銷柱枝下。依稀和氣排冬嚴。已就長日辭長夜。

閏月

帝重光。年重時。七十二候迴環推。天宮街瑄灰剩飛。今歲何長來歲遲。王母移桃獻天子。義氏和氏迂龍轡。

唐李長吉詩集二卷

金壇鄧伯羔孺孝校

天上謠

天河精星也。高遠莫辨望。如白氣。

天河夜轉漂迴星。銀浦流雲學水聲。玉宮桂樹花未落。仙妾採香垂珮纓。秦妃卷簾北牕曉。牕前植桐青鳳小。王子吹笙鶴管長。呼龍耕烟種瑤草。粉霞紅綬藕絲裙。青洲步拾蘭苕春。東指羲和能走馬。海塵新生石山下。

浩歌

南風吹山作平地。帝遣天吳移海水。王母桃花千遍紅。



吾亦欲哭

彭祖巫咸笑迴死青毛驄馬參差錢嬌春楊柳含細烟  
等。人。勸。我。金。屈。危。神。血。未。凝。身。問。誰。不。須。浪。飲。丁。都。護。  
世。上。英。雄。本。無。主。買。絲。繡。作。平。原。君。有。酒。唯。澆。趙。州。土。  
漏。催。水。咽。玉。蟾。蜍。衛。娘。髮。薄。不。勝。梳。看。見。秋。眉。換。新。綠。  
二十男兒那刺促

秋來

桐風驚心壯士苦哀燈絡緯啼寒素誰看青簡一編書  
不遺花蟲粉空蠹思牽今夜腸應直雨冷香魂吊書客  
秋墳鬼唱鮑家詩恨血千年土中碧

王顏金骨虛無  
裏混沌曾看  
幾回死皆此意  
也

騎虎字劍光字  
皆寫秦王惡狀  
全是以力橫行

帝子歌

洞庭帝子一千里涼風鴈啼天在水九節菖蒲石上死  
湘神彈琴迎帝子山頭老桂吹古香雌龍怨吟寒水光  
沙浦走魚白石郎閒取真珠擲龍堂

秦王飲酒

騎虎字言其霸強絕無道德以下寫其強狀真可奴僕命騷

秦王騎虎遊八極劍光照空天自碧羲和敲日玻璃聲  
劫灰飛盡古今平龍頭瀉酒邀酒星金槽琵琶夜枨枨  
洞庭兩脚來吹笙酒酣喝月使倒行銀雲櫛櫛瑤殿明  
宮門掌事報一更花樓玉鳳聲嬌獐海綃紅文香淺清



黃鵝跌舞千年能。仙人燭樹蠟烟輕。清琴醉眼淚泓泓。

洛姝真珠

真珠小娘下青郭。洛苑香風飛綽綽。寒髮斜釵玉燕光。  
高樓唱月敲懸璫。蘭風桂露洒幽翠。紅絃裊雲咽深思。  
花袍白馬不歸來。濃蛾疊柳香脣醉。金鷄屏風蜀山夢。  
鸞裾鳳帶行烟重。八驄籠晃臉羞移。日絲繁散曛羅洞。  
市南曲陌無秋涼。楚腰衛髮四時芳。玉喉窸窸排空光。  
牽雲曳雪留陸郎。

李夫人

紫皇宮殿重重開。夫人飛入瓊瑤臺。綠香繡帳何時歇。  
青雲無光宮水咽。翩聯桂花墜秋月。孤鸞驚啼商絲發。  
紅壁闌珊懸珮璫。歌臺小妓遙相望。玉蟾滴水鷄人唱。  
露華蘭葉參差光。

走馬引

我有辭鄉劍。玉鋒堪截雲。襄陽走馬客。意氣自生春。朝  
嫌劍花淨。暮嫌劍光冷。能持劍向人。不解持照躬。

湘妃

筠竹千年老不死。長伴秦娥蓋湘水。蠻娘吟弄滿寒空。

九山靜綠淚花紅。離鷺別。鳳烟梧中。巫雲蜀雨。遙相通。  
幽愁秋氣上青楓。涼夜波間吟古龍。

南園一

花枝草蔓眼中開。小白長紅越女腮。可憐日暮嬌香落。  
嫁與春風不用媒。

南園二

宮北田塍曉氣酣。黃桑飲露窸窣長。腰健婦偷攀折。  
將餒吳王八薺蠶。

南園三

竹裏繚絲挑網車。青蟬獨噪日光斜。桃膠迎夏香琥珀。  
自課越儂能種瓜。

南園四

三十未有二十餘。白日長飢小甲蔬。橋頭長老相哀念。  
因遺戎韜一卷書。

南園五

男兒何不帶吳鉤。收取關山五十州。請君暫上凌煙閣。  
若箇書生萬戶侯。

南園六



千古才人一  
齊下淚

尋章摘句老雕蟲。曉月當簾挂玉弓。不見年年遼海上。如章何處哭秋風。

南園七

長卿牢落悲空舍。曼倩詆諧取自容。鬼買若耶溪水劍。明朝歸去事猿公。

南園八

春水初生乳燕飛。黃蜂小尾撲花歸。窻含遠色通書幌。魚擁香鈞近石磯。

南園九

泉沙雙臥鴛鴦暖。曲岸回篙舴艋遲。瀉酒木蘭椒葉蓋。病容扶起種菱絲。

南園十

邊壤今朝憶蔡邕。無心裁曲卧春風。舍南有竹堪書字。老去溪頭作釣翁。

南園十一

長巒谷口倚嵇家。白晝千峯老翠華。自履藤鞋收石蜜。手牽苔絮長純花。

南園十二

李長吉詩卷之二



松溪黑水新龍卵桂洞生硝舊馬牙誰遣虞卿載道使  
輕綃一足染朝霞

小樹

小樹開朝遙長草濕夜燭柳花驚雪浦麥雨漲溪田古  
斜疎鐘度遙嵐破月懸沙頭敲石火燒竹照漁船

金銅仙人辭漢歌并序

前四句有黍離之感方落坊銅人淚下無光怪之病又銅駝荆棘之情言下顯照

魏明帝青龍元年八月詔宮官牽車西取漢孝武捧  
露盤仙人欲立置殿前宮官既圻盤仙人臨載乃潛  
然淚下唐諸王孫李長吉遂作金銅仙人辭漢歌

鉛字用在銅仙分上妙

茂陵劉郎秋風客夜聞馬嘶曉無跡畫欄桂樹懸秋香  
三十六宮土花碧魏官牽車指千里東關酸風射眸子  
空將漢月出官門憶君清淚如鉛水衰蘭送客咸陽道  
天若有情天亦老攜盤獨出月荒涼渭城已遠波聲小

古悠悠行

白景歸西山碧華上迢迢今古何處盡千歲隨風颺海  
波變成石魚沫吹秦橋空光遠流浪銅柱從年消

黃頭郎

此章情致俱到

黃頭郎撈攏去不歸南浦芙蓉影愁紅獨自垂水弄湘

娥珮竹啼山露。月玉瑟調青門。石雲濕黃葛沙上。靡蕪  
花秋風已先發。好持掃羅薦。香出鴛鴦熱。

馬詩一

龍脊貼連錢。銀蹄白踏烟。無人織錦韉。誰為鑄金鞭。

其二

臘月草根甜。天街雪似鹽。未知口硬軟。先擬疾羸御。

其三

忽憶周天子。驅車出玉門。鳴騶辭鳳苑。赤驥最承恩。

其四

此馬非凡馬。房星本是星。向前敲瘦骨。猶自帶銅聲。

其五

大漠沙如雪。燕山月似鉤。何當金絡腦。快走踏清秋。

其六

麻衣酷似平生業。同一可嘆。

饑卧骨查牙。麤毛刺破花。鬣焦朱色落。髮斷鋸長麻。

其七

西母酒將闌。東王飯已乾。君王若燕去。誰為拽車轆。

其八

騰驂超捷。非名將莫取。而羊踏花行。正好看鞞金勒也。

赤兔無人用。當須呂布騎。吾聞果下馬。羈策任蠻兒。



其九

送今駭骨不知被西風打却多少

颯叔去忽忽如今不奉龍夜來霜壓棧駭骨折西風

其十

催榜渡烏江神離泣向風君玉今解劍何處逐英雄

其十一

內馬賜官人銀鞵刺麒麟午時鹽坂上踏踏瀝風塵

其十二

批竹初攢耳桃花未上身他時須攬陣牽去借將軍

其十三

寫盡明珠暗投之苦

却送楚襄王  
王極極

瘦骨銅聲駭  
骨送楚襄王  
試者錦鞍南  
陌路人晴者竟  
是鴛鴦可勝造  
嘆

寶珠誰家子長聞俠骨香堆金買駭骨將送楚襄王

其十四

香撲赭羅新盤龍感鐙鱗迴看南陌上誰道不逢春

其十五

不從桓公獵何能伏虎威一朝溝隴出看取拂雲飛

其十六

唐劍斬隋公拳毛屬太宗莫嫌金甲重且去捉颯風

其十七

白鐵剉青禾碓聞落細莎世人憐小頸金將畏長牙

埒



其十八

伯樂向前看。旋毛在腹間。祇今培白草。何日驀青山。

其十九

蕭寺馱經馬。元從竺國來。空知有善相。不解走章臺。

其二十

重圍如燕尾。寶劍似魚腸。欲求千里脚。先采眼中光。

其二十一

暫繫騰黃馬。仙人上綵樓。須鞭玉勒吏。何事謫高州。

其二十二

汗血到王家。隨鸞撼玉珂。少君騎海上。人見是青騾。

其二十三

徽婉可愛

武帝愛神仙。燒金得紫烟。殿中皆肉馬。不解上青天。

申胡子虜箒歌并序

申胡子朔客之蒼頭也。朔客李氏本亦世家子。得祀江夏王廟。當年踐履失序。遂奉官北郡。自稱學長調。短調久未知名。今年四月。吾與對舍於長安崇義里。遂將衣質酒。命子合飲。氣熱杯闌。因謂吾曰。李長吉爾。徒能長調。不能作五字歌詩。直強迴筆端。與陶謝

詩勢相遠柴里吾對後請撰申胡子感策歌以五字  
斷句歌成左右人合譟相唱朔客大喜擊觴起立命  
花娘出幕徘徊拜客吾問所宜稱善平弄於是以弊  
辭配聲與予為壽

顏熱感君酒含嚼蘆中聲花娘簪綰安休睡芙蓉屏誰  
截太平管列點排空星直貫開花風天上驅雲行今夕  
歲華落令人惜平生心事如波濤中坐時時驚朔客騎  
白馬劍把懸蘭纓俊健如生獠肯拾蓬中螢

老夫採玉歌

不言恨時政而  
言恨溪水與  
其死于席苛  
政不若死于虎  
也徵求無已不  
念民生者戒之  
戒

採玉採玉須水碧琢作步搖徒好色老夫飢寒龍為愁  
藍溪水氣無清白夜雨岡頭食藜子杜鵑口血老夫淚  
藍溪之水厭生人身死千年恨溪水斜山相風雨如嘯  
泉脚挂繩青裊裊林寒白屋念嬌嬰古臺石磴懸勝草

傷心行

咽咽學楚吟病骨傷幽素秋姿白髮生木葉啼風雨燈  
青蘭膏歇落照飛娥舞古壁生凝塵羈魂夢中語

湖中曲

長眉越沙採蘭名桂葉水荇春漠漠橫船醉眠白晝閒



渡口梅風歌扇薄燕釵玉股照青渠越王嬌郎小字書  
蜀紙封巾報雲鬢晚漏壺中水淋盡

黃家洞

請至開馬竹山宜預住上項情景如挽九牛之弩已至滿矣而下文只一由七字將通首九句捲而盡千煥萬世要知殺容州之民去即容州官軍不皆賊也

雀步感沙聲促促四尺角弓青石鏃黑幡三點銅鼓鳴

高作猿啼搖箭箠絲巾纏膝幅半斜溪頭簇墜映葛花

山潭晚霧吟白蠶竹蛇飛蠹射金沙開驅竹馬緩歸家

官軍自殺容州槎

屏風曲

蝶棲石竹銀交關水凝綠鴨瑠璃錢團迴六曲抱膏蘭

童自家百姓也

善於摹神  
以此陰險惡毒  
之境何敢正視  
得以叫噪一番  
忽然而歸出則  
如雀步位上入則  
如竹馬踏目生  
官軍可知矣在  
長軍既不敢犯  
之則束手何以  
為功不得不借

將鬢鏡上擲金蟬沉香火煖茱萸烟酒觥綰帶新承歡  
月風吹露屏外寒城上烏啼楚女眠

南山田中行

秋野明。秋風白。塘水溲溲。蟲嘖嘖。雲根苔蘚。山上石。冷  
紅泣露。嬌啼色。荒畦九月。稻叉牙。蟄螢低飛。隴迳斜。石  
脉水流。泉滴沙。鬼燈如漆。照松花

貴主征行樂

一篇中軍作好註疏踏花走馬河上乎逍遙也

奚騎黃銅連鎖甲羅旗香幹金畫葉中軍留醉河陽城  
嬌嘶紫燕踏花行春營騎將如紅玉走馬捎韉上空綠

作二解讀便得  
秋暮于南山田中  
夜行神理

如垣素月角。咿咿牙帳未開分。錦衣

酒罷張大徹索贈詩張初効路幕

長鬣張郎三十一。天遣裁詩花作骨。往還誰是龍頭人。  
公主遣乘魚須笏。水竹青草上白初。匣中章奏密如蚕。  
金門石閣知卿有。鷹角雞香早晚含。隴西長吉摧頽客。  
酒闌感覺中區窄。葛衣斷碎趙城霜。吟詩一夜東方白。

羅浮山父與葛篇

依依宜織江。雨空雨中。六月蘭臺風。博羅老仙時出洞。  
千歲石牀啼鬼工。蛇毒濃凝洞堂濕。江魚不食銜沙立。

欲剪箱中一尺天。吳娥莫道吳刀澁。

仁和里雜叙皇甫湜

大人乞馬癯乃寒。宗人貸宅荒厥垣。橫庭鼠逐空土澁。  
出籬大棗垂珠殘。安定美人截黃綬。脫落纓裾暝朝酒。  
還家白筆未上頭。使我清聲落人後。枉辱稱知犯君眼。  
排引纔陞強絙斷。洛風送馬入長關。闔扇未開逢狹犬。  
那知聖都相草草。客枕幽單看春老。歸來骨薄面無膏。  
疫氣衝頭鬢莖少。欲雕小說干天官。宗孫不調為誰憐。  
明朝下元復西道。崆峒叙別長如天。



宮娃歌 此篇大抵述吳女怨曠願去之意

蟾光高懸照紗空。花房夜擣紅守宮。象口吹香鼉鼉暖。  
七星挂城聞漏板。寒入果。愚疑影昏彩鸞簾。額著霜瘕。  
啼。姑。吊。月。鈎。欄。下。屈。膝。銅。鋪。鑲。阿。甄。夢。入。家。門。上。沙。渚。  
天。河。落。處。長。州。路。願。君。光。明。如。太。陽。放。妾。騎。魚。拋。波。去。

堂堂

堂堂復堂堂。紅腕梅灰香。十年粉蠹生。盡梁飢蟲不食。  
摧碎黃蕙花。已老桃葉長。禁院懸簾隔御光。華清源中。  
礬石湯徘徊。白鳳隨君玉。

勉愛竹二首送小季之廬山

上半解言己之貧苦不能存養其小季下半解言小季之幼遠離去必能深志阿兄一片苦心也

洛郊無姐豆。弊廡漸老馬。小鴈過鑪峯。影落楚水下。長  
船倚雲泊。石鏡秋涼夜。豈解有鄉情。弄月聊鳴啞。  
別柳當馬頭。官槐如兔耳。欲將千里別。持我易斗粟。南  
雲北雲空。脉脉斷靈臺。經絡懸春綫。青軒樹轉月。滿牀下。  
國。飢。兒。夢。中。見。維。爾。之。昆。二十餘年來。持鏡頗有鬚。辭  
家三載今如此。索米王門一事無。荒溝古水光如刃。庭  
南拱柳生蠹螿。江干幼客真可念。郊原曉吹悲號號。  
致酒行

既之尊酒相餞又  
無驪駒相送一任  
小季遠之影落他  
柳長吉貧困和  
盤托出矣非王孫手  
筆誰辨得此神妙  
重伯音奉忽分作二  
首是四日收錄下成篇  
段矣况南雲北雲句  
法不是發端與本題  
勉愛竹二字不合二  
首二字不符矣

零落福遲四字  
着一盃酒三字  
何恨悲涼接  
主人白七字更  
使人哭不得哭  
不得也

起二句制手清顯  
首下文順手也  
故無一賦能必  
題外者

刺約白是極寫  
英雄會宴  
自橫植租向至座  
上真人向何等筆  
力聲調又且甚  
錫二句使神理充  
溢無遺後遲

零落棲遲一杯酒主人奉觴客長壽主父西遊因不歸  
家人拆斷門前柳吾聞馬周昔作新豐客天荒地老無  
人識空將殘上兩行書直犯龍顏請恩澤我有迷魂招  
不得雄鳴一聲天下白少年心事當拏雲誰念幽寒坐  
鳴咽

長歌續短歌

長歌破衣襟短歌斷白髮秦玉不可覓西成內熱渴  
飲壺中酒饑投隴頭粟淒淒四月關千里一時綠夜峯  
何離離明月落石底徘徊沿石尋照出高峰外不得與

之遊歌成髮先陟

公莫舞歌并序

公莫舞歌者詠項伯翼蔽劉沛公也會中壯士灼灼  
於人故無復書且南北樂府率有歌引賀陋諸家今  
重作公莫舞歌云

方花古礎排九楹刺豹淋血盛銀鬕華筵鼓吹無桐竹  
長刀直立割雞箏橫櫂麓錦生紅緯日炙錦鳩玉未醉  
腰下三者寶珠光項莊掉箭欄前起材官小臣公莫舞  
座上真人赤龍子芒碭雲瑞抱天迴咸陽王氣清如水



收東德揚抑其  
音真珍玲瓏  
妙響人自不能  
讀耳

鐵櫃鐵楨重束關大旗五丈幢雙鏢漢王今日須秦印  
絕臚剗腸臣不論

昌谷北園新笋一

籜落長竿削玉開君看母笋是龍材更容一夜抽千尺  
別却池園數寸泥

其二 若不寫楚辭亦任其露壑煙啼而已可不悲哉

斫取青光不寫  
別文而寫楚  
辭與堆金買  
駿骨將送楚  
襄同一可憐

其三

家泉石眼兩三莖曉看陰根紫陌生今年水曲春沙上  
笛管新篁拔玉青

其四

古竹老梢惹碧雲茂陵歸卧歎青貧風吹千畝迎雨嘯  
鳥重一枝入酒樽

惱公

宋玉腸空節矯矯粉自紅歌聲春草露門掩杏花叢注  
口櫻桃小添眉桂葉濃曉奩粧秀鬢夜帳減香筒鈿鏡  
飛孤鵲江圖畫水蒹陂陀梳碧鳳腰裊帶金蟲杜若含

借美人以喻  
君子託芳州  
以怨王孫並非  
淫哇之作

清露河浦聚紫茸。月分娥黛破花合。鬢朱融髮重。疑盤  
霧腰輕。乍倚風寄書題。豈窳隱語笑芙蓉。莫鎖茱萸面  
休開翡翠籠。弄珠驚漢燕燒蜜。引胡蜂醉顛拋紅網。單  
羅挂綠。數錢教姹女。買藥問巴賁。勻臉安斜鴈。移燈  
想夢熊。腸攢非束竹。弦急是張弓。晚樹迷新蝶。殘蛻憶  
斷虹。古時填渤澥。今日鑿崆峒。繡香褰長幔。羅裙結短  
封。心搖如舞鶴。骨出似飛龍。井檻淋清漆。門鋪綴白銅。  
隈花開兔逸。向壁印狐蹤。玳瑁釘簾薄。琉璃疊扇烘。象  
牀緣素栢。瑤席卷香葱。細管吟朝幌。芳醪落夜楓。宜男

生楚巷。梳子發金墉。龜甲開屏。澁鴉毛。滲墨濃。黃庭留  
衛瓘。綠樹養韓馮。雞唱星懸柳。鷓啼露滴桐。黃娥初出  
坐寵妹。始相從。蠟淚垂蘭燼。秋蕪掃綺櫺。吹笙翻舊引  
沽酒待新豐。短佩愁填粟。長絃怨削竊。曲池眠乳鴨。小  
閣睡娃僮。裨縫夢雙綫。鈎緇辦五驄。蜀煙飛重錦。峽雨  
濺輕容。拂鏡羞溫嶠。薰衣避賈克。魚生玉藕下。人在石  
蓮中。含水彎蛾翠。登樓灑馬鬣。使君居曲陌。園令住臨  
邛。桂火流蘇暖。金爐細炷通。春遲王子態。鶯轉謝娘慵。  
玉漏三星曙。銅街五馬逢。犀株防膽怯。銀液鎮心忪。跳



得賊形可畏  
再加使君在上  
為之殺援  
而翼也又傳  
吏在下為之  
角民有遺類  
乎悲哉

脫看年命琵琶道吉凶王時應七夕夫位在三宮無力  
塗雲母多方帶藥翁符因青鳥送囊用絳紗縫漢苑尋  
官柳河橋閱禁鍾月明中婦覺應笑盡堂空

感諷一 此苦征輸之擾也

合浦無明珠龍洲無木如足知造化加不給使君湏越  
婦未織作吳蚕始蠕蠕縣官騎馬來獐色虬紫鬚懷中  
一方板板上數行書不因使君怒馬得詣爾廬越婦拜  
縣官桑牙今尚小會待春日宴絲車方擲掉越婦通言  
語小姑具黃梁縣官踏冷去薄吏復登堂

感諷二 此慨知過之難也

奇俊無少年日車何躡躡我待紆雙綫遺我星星髮都  
門賈生墓青蠅久斷絕寒食垂楊天憤景長肅統皇漢  
十二帝唯帝稱睿哲一夕信豎兒文明永淪歎

感諷三 此述死矣之悲也

南山何其悲鬼雨灑空草長安夜半秋風剪碧姿老低  
迷黃昏迺裊裊青標道月午樹立影一山唯白曉漆炬  
迎新人幽壙螢擾擾

感諷四 此傷有生之勞也

此冷氣逼人  
肌骨

勞勞此生流  
浪可憐

澹光句非煙  
火人能作

淒涼山墨一  
真鬼仙才筆

且字知非本  
傷事妙未二  
平有上且字  
字一證便明

星盡四方高萬物知天曙已生須已養荷檐出門去君  
平久不反康伯適國路曉思何饒饒闌闌千人語

感賦五

石根秋水明石畔秋草瘦侵衣野竹香  
蟄蟄垂葉厚岑  
中月歸來蟾光掛空秀桂露對仙娥  
星星下雲逗淒涼  
樞子落山墨泣清漏下有張仲蔚披書案將朽

三月過行宮

渠水紅繁擁御墻風嬌小葉學娥粧  
垂簾幾度青春老  
堪鎖千年白日長

追和何謝銅雀妓

佳人一壺酒秋容滿千里石馬卧新烟  
憂來何所侶歌  
聲且潛弄陵樹風自起長裾壓高臺  
泪眼看花機

送秦光祿北征

此首換韵法未詳所本  
胡上加一轉字便爾寫盡賊形不在多文

北虜膠堪折秋沙亂曉鬢胡頻犯塞驕氣侶橫霓灞  
水樓船渡營門細柳開將軍馳白馬豪彥騁雄林箭射  
攬槍落旗懸日月低榆稀山易見甲重馬頻嘶天遠星  
光沒沙平草葉齊風吹雲路火雪汗玉關泥屢斷呼韓  
頸曾燃董卓臍太常猶舊寵光祿是新隣寶玦麒麟起



銀壺佛狎啼。桃花連馬發。絲絮撲鞍來。呵臂懸金斗。當  
脣注玉壘。清蘇和碎蟻。紫膩卷浮盃。虎韞先蒙馬。魚腸  
且斷犀。趁趨西旅狗。威額北方雞。守帳燃香暮。看鷹永  
夜棲。黃龍就別鏡。青塚念陽臺。周處長橋役。侯調短弄  
哀。錢塘階鳳羽。正室擘鸞釵。內子攀琪樹。羗兒奏落梅。  
今朝擊劔去。何日刺蛟迴。

酬答一

金魚公子夾衫長。密裝腰鞞割玉方。行處春風隨馬尾。  
柳花偏打內家香。

酬答二

雍州二月梅池春。御水鵝鵲暖白蘋。試問酒旗歌板地。  
今朝誰是拗花人。

畫角東城

河轉曙蕭蕭。鷗飛睥睨高。帆長標越句。壁冷掛吳刀。淡  
菜生寒日。鮪魚濕白濤。水花沾抹額。旗鼓夜迎潮。

謝秀才有妾縞練改從於人。秀才引留之不得。後  
生感憶座人製詩嘲誚。賀復繼

其一

誰知泥憶雲。望斷梨花春。荷絲製機練。竹葉剪花裙。月明啼阿姊。燈暗會良人也。識君夫壻。金魚掛在身。

其二

銅鏡立青鸞。燕脂拂紫綿。腮花弄暗粉。眼尾泪侵寒。碧玉破不復。瑤琴重撥絃。今日非昔日。何人敢正看。

其三

洞房思不禁。蜂子作花心。灰暖殘香炷。髮冷青蟲簪。夜遥燈焰短。睡熟小屏深。好作鴛鴦夢。南城罷擣砧。

其四

尋常輕宋玉。今日嫁文鴛。戟幹橫龍窟。刀環倚桂窓。邀人裁半袖。端坐據胡牀。泪濕紅輪重。栖鳥上井梁。

事屬不倫  
最趣通首  
以文鴛字玉  
對照其編練  
何計之左也  
可憐

李長吉詩集二卷終





卷之二十一



